

## E V R O P A.

**E**VROPA unde hoc nomen acceperit, neque quis nominis Auctor extiterit, ab aliquo mortalium compertum est, nisi quòd dicimus ab Europa Tyria nomen accepisse Regionem, inquit Herodotus libro quarto. Hanc Plinius altricem victoris omnium gentium populi, terrarumque pulcherri-  
mam nominat. Asiae & Africae aliquando non magnitudine, sed virtute comparatam. Certum est, eam, cum habitatissima sit, gentium frequentia non multò alterutra inferiorem esse. Huius latus Septentrionalior & Oc-  
cidentalior, Oceano alluitur, Meridionale, mari Mediterraneo ab Africa seiungitur. Deinde Orientem versus mari Ægæo (nunc, Archipelago) Ponto Euxino, ( hodie, mare Maggiore ) Palude Meotide ( hodie, mare delle Zabacche ) Tanaj fluuiio, (vulgò Don,) & Isthmo, qui est ab eius fon-  
tibus, recta ad Septentrionem ab Asia dirimitur, Glareano teste. Habetque hoc modo Peninsulæ effigiem, vti ipsa in Tabula videre licet. Huius caput Roma, olim totius Orbis domitrix.

Habet hæc nostra Europa, præter Romanum Imperium toto terrarum Orbe reuerendum, ultra viginti octo, si quatuordecim, quæ Damianus à Goes in sola Hispania numerat, adiunxeris, in vniuersum Regna, Chri-  
stiana Religione imbuta: unde huius Regionis dignitatem æstimare li-  
ceat. Regio ultra modum fertilis, naturalem temperiem, cælumque satis clemens habens. Frugum omnigenum, vini, & arborum copia nullis posthabenda, sed optimis Regionibus comparanda est: adeò amœna, cultissimisque Urbibus, pagis, & vicis exornata, vt populorum, genti-  
umque virtute aliis terræ partibus, & si forma minor, tamen præstantior habetur, atque semper habita fuit. Ab omnibus priscis Scriptoribus, cum ob Macedonum Imperium, tum ob Romanorum potentiam maximè celebrata. Eius laudes apud Strabonem videre licet, qui eam libro ter-  
tio, septemque sequentibus libris elegantissimè describit. Vide etiam ce-  
teros veteres Geographos. Ex recentioribus eam inter cetera describere conati sunt, Volaterranus, Seb. Munsterus, Dominicus Niger, Geor-  
gius Rithaymerus, in suis Geographiis. Sed peculiariter eam descripse-  
runt Pius. II.; Christophorus, & Ancelmus Cellæ.

Multa per vniuersam ferè Europam itineraria, locorumque distantis an-  
notatis, litteris mandarunt, Cherubinus Stella, Iohannes Herbaceus,  
& Georgius Meyerus. Idem Guilielmus Gratarolus fecit  
in calce libri, qui inscribitur De Regimine  
iter agentium.